

qu. sier Domenego da Santa Marina, di l'hordine di san Domenego dei frati predicatori, di età anni. . . , e fu sotto domino Christoforo Marzello arziepiscopo di Corfù qu. sier Antonio, qu. sier Jacomo da san Tomado, qual è a Roma, persona doctissima et di vita exemplar, 7 ballote. Et il Pregadi non volseno far prelatò, acciò non stessee a Roma et con tempo il patriarcha andasse in comenda, et fo ben fato.

Et nota. Dal 1451 in quà, che fo fato primo Patriarca il bià Lorenzo Justinian, el qual era vescovo di Castello prima, et è stato patriarchi numero . . . et prima vescovi di Castello 51, sicome *etiam* apar in la sala in patriarcha fata dipenzer per il prefato Patriarca defunto. Hor questi sono li Patriarchi:

- 1451 Lorenzo Justinian canonico regular di san Zorzi di Alega.
- 1455 Maffio Contarini canonico regular di santo Spirito.
- 1460 Andrea Bondimier canonico regular di santo Spirito.
- 1462 Gregorio Correr protonotario apostolico, eletto, ma non intrò.
- 1465 Zuan Barozzi episcopo di Bergamo, fato per il Papa.
- 1466 Maffio Girardo di l'ordine camalduense di san Michele, fo cardinal.
- 1492 Thomà Donado di l'ordine di predicatori di san Domenego.
- 1504 Antonio Surian monaco di la Certosa et prior.
- 1508 Alvixe Contarini canonico regular di san Zorzi d'Alega.
- 1508 Antonio Contarini prior a san Salvador, canonico regular.

8 È da saper. Prima che fosse tolto il scurtinio, fu posto parte per i Consieri, Cai di XL e Savii, atento la morte dil reverendo domino Antonio Contarini patriarcha di Venexia, sia fata denomination di uno nobele nostro da esser nominato al Pontefice, et scritto a Soa Beatitudine per la confirmatione, el qual debbi far residentia in questa terra per governo dil clero, *ut in parte*. Ave tutto il Consejo. Et è la forma che si suol meter al far di Patriarchi.

Da poi fo nominati numero 38, et perchè fo tolli do, quali erano naturali, *videlicet* don Eusebio di Prioli qu. sier Piero, qu. sier Beneto di l'ordine camalduense, abate di santa Maria di le Carzere sotto Este, et don Anzolo Moro qu. sier Alvise, qu. sier Gabriel monaco in santo Andrea di Lio di l'ordine cartusiense, vene differentia fra li Consieri se

doveano esser ballotadi per esser bastardi; chi dicea de sì, et chi di no; *tamen* di questo non è leze alcuna. *Unde* ballotono tra li Consieri et fo 3, et 3. E atento sier Marin Zorzi dotor e sier Lunardo Emo consieri erano cazadi, l'uno per il Zorzi tolto, l'altro per domino Christoforo Marzello suo zerman cuxin, fo tolto do Capi di XL in loco suo, sier Piero Gradenigo et sier Lorenzo Orio, perchè sier Anzolo Morexini era cazado per uno Morexini tolto, e cussi ballotono e fo 3, et 3. *Unde* bisognava meter parte *per viam declarationis* al Consejo, et visto sier Andrea di Prioli el dotor, fradello dil Prioli qual è Proveditor sora la sanità, andò a la Signoria dicendo non voleva fusse posto la parte, perchè la si aria persa, et cussi *etiam* quelli del Moro non volseno, sichè non fo ballotadi; e mai in scurtinii è stà fato di Patriarchi è stà ballotado alcun bastardo, nè alcun popular. Et il scurtinio de li electi è questo posto qui avanti:

Scurtinio di Patriarca di Venexia, in luogo dil reverendo Antonio Contarini, a chi Dio perdoni.

- Venerabile domino don Hironimo Morexini qu. sier Battista, *da Lisbona*, canonico regular in santo Spirito, fo prior di san Michiel di Padoa . . . 52.155
- Venerabile domino don Paulo Justinian di l'ordine camalduense, qu. sier Francesco el cavalier 75.133
- Venerabile domino don Silverio Querini fo prior a la Carità, canonico regular, qu. sier Polo *da le Papoze* . 35.176
- Venerabile domino don Andrea Gabriel qu. sier Alvixe, di l'ordine di san Beneto, fo prior di santa Justina de Padoa 82.119
- Venerabile domino don Hironimo Salamon qu. sier Piero, canonico regular, ch'è rector di la congregation di san Zorzi d'Alega. 78.135
- Venerabile domino don Piero Marin canonico regular, fo rector di la congregation di san Zorzi d'Alega . . 76.128
- Venerabile domino fra' Nicolò Malipiero qu. sier Domenego, di l'ordine di san Francesco observante, ministro in san Job. 38.170
- Venerabile domino don Zacaria Venier qu. sier Andrea el procurator, di